



PREZIDÉNSIA KONSELLU MINISTRUS

VI GOVERNUN KONSTITUSIONÁL

KOMUNIKADU IMPRENSA

Sorumutuk Konsellu Ministrus nian iha loron 18 fulan-jullu tinan 2017

Konsellu-Ministrus hala'o sorumutuk iha loron-tersa ne'e, iha Palásiu Governu, iha Dili, no Ministru Estadu, Koordinador Asuntus Sosiais no Ministru Edukasaun apresenta ona relatóriu ida kona-ba **análize setoriál Edukasaun nian**. Halo hamutuk ho Banku Mundiál, dokumentu ida-ne'e, ne'ebé sei iha faze preliminar, hakarak atu halo estudu kle'an ida kona-ba estadu atuál setór ne'e nian, ne'ebé importante tebes ba futuru nasaun nian.

Sei iha kampu Edukasaun nian, apresenta ona mós Rezolusaun Governu nian kona-ba ezekusaun **política dezvoltimentu labarik sira nian iha infánsia dahuluk**, to'o idade tinan ualu. Política ida-ne'e, ne'ebé koordena ho Planu Estratéjiku Dezvoltimentu tinan 2011-2030 nian, intervein hamutuk iha área Saúde, Nutrisaun, Edukasaun no Protesaun Sosiál, hodi kontribui ba redusaun moris-kiak nian no dezvoltimentu ekonómiku no sosiál. Política ne'e elabora husi Governu liuhusi prosesu kolaborativu ida, iha ne'ebé inklui inan-aman, família no profesionál sira ne'ebé envolve, atu garante futuru ida ne'ebé di'ak liu ba labarik timoroan sira.

DÍLI, LORON 18 FULAN-JULLU TINAN 2017



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608